

TARIKH	RABU, 1 FEBRUARI 2023
AKHBAR	HARIAN METRO
TAJUK ARTIKEL	TI MALAYSIA MEROSOT 47 MATA
M/S	20
BIDANG	MANAGEMENT
KATA KUNCI	

TI Malaysia merosot 47 mata

Kuala Lumpur: Skor Indeks Persepsi Rasuah (CPI) Malaysia 2022 yang dikeluarkan *Transparency International* (TI) merosot kepada 47 mata.

Berdasarkan laporan dikeluarkan TI, kedudukan Malaysia jatuh enam mata dalam tempoh tiga tahun dari tangga 53 pada 2019.

Menurutnya, penurunan itu menunjukkan negara menuju ke 'arah yang salah' dalam memerangi rasuah, mendukung hak asasi manusia dan demokrasi di sektor awam.

"Negara Skandinavia terus mendominasi kedudukan indeks dengan Denmark, Finland, Norway dan Sweden antara 10 negara teratas atau terbersih diikuti New Zealand dan Singapura dari rantau Asia Pasifik.

"Di kedudukan terbawah indeks, prestasi terburuk adalah Venezuela, Syria, Sudan Selatan dan Somalia," katanya.

Berdasarkan laporan itu, indeks mata 0 adalah sangat korup dan 100 dianggap paling bersih.

Menurutnya, antara penyebab menyumbang kemerosotan berterusan adalah tindakan terhadap kerajaan terdahulu dalam membendung aktiviti rasuah politik dan mengukuhkan amalan hak asasi manusia.

Selain itu, kegagalan Suruhanjaya Pencegahan Rasuah (SPRM) menjadi institusi anti-rasuah bebas dan berkesan serta dipertanggungjawabkan secara langsung kepada Parlimen turut menyumbang kepada kemerosotan indeks.

"Tafsiran terlalu luas mengenai Akta Rahsia Rasmi menyebabkan kurangnya ketelusan dalam hal kepentingan awam seperti kontraktundingan secara langsung.

"Keputusan mahkamah melepaskan tanpa membebaskan individu tertentu dalam kes rasuah berprofil tinggi menimbulkan persepsi negatif mengenai perjalanan proses undang-undang negara. Penjelasan lebih jelas Jabatan Peguam Negara dapat mengurangkan persepsi sedemikian," katanya.